

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/01	Data : 15.07.2020
Titulli : Informacion përmbledhës për skemen dhe procesin e çertifikimit të personave për sigurimin teknik dhe përdorimin e pajisjeve/implanteve elektrike		Faqe 1 nga 5

Informacion përmbledhës për skemen dhe procesin e çertifikimit të personave për sigurimin teknik dhe përdorimin e pajisjeve/implanteve elektrike

ALCERT sh.p.k është në akredituar nga Drejtoria e Përgjithshme e Akreditimit si trupë certifikimi sipas ISO/IEC 17024:2012 për çertifikimin e personave për sigurimin teknik dhe përdorimin e pajisjeve/implanteve elektrike.

ALCERT do të ofroj certifikime për personat që përdorin pajisje/implante elektrike të klasifikuar sipas Urdhrit të Ministrit të energjisë Nr. 3403/1 Prot. datë 30.06.2003 “Rregullore e Sigurimit dhe Shfrytëzimit Teknik për Implantet, Pajisjet dhe Instalimet Elektrike”, si më poshtë:

1. Grupin I të sigurimit teknik
2. Grupin II të sigurimit teknik elektrik
3. Grupin III të sigurimit teknik elektrik
4. Grupin IV të sigurimit teknik elektrik
5. Grupin V të sigurimit teknik elektrik

Para-kushtet që duhet të plotësoje aplikanti për tu certifikuar sipas grupeve:

1. Grupi I

- a. Të kenë mbushur moshën 18 vjeç,
- b. Të jenë të aftë fizikisht dhe mendërisht për punë, vecanerisht lidhur me te paret, te degjuarit, aftësitë levizëse, etj
- c. Të zotërojnë mirë gjuhën shqipe me të shkruar dhe të folur
- d. Të kenë mbaruar shkollën 8/9 vjeçare (Arsimin e Detyruar)

2. Grupi II

- a. Të jenë jo më pak se 18 vjeç,
- b. Të kenë jo me pak se nje vit pune në profilin përkatës të përcaktuar në Rregulloren e sigurimit dhe shfrytezimit teknik per implantet, pajisjet dhe instalimet elektrike
- c. Të kenë kryer edukim profesional teknik (elektrik). Mungesa e këtij edukimi, ekuivalentohet me eksperience pune 1 vjeçare ose një trajnim të paktën 8 orë në lidhje me ndihmën e parë dhe njohuritë mbi rrezikun që vjen nga rryma elektrike. .
- d. Të jenë të aftë fizikisht dhe mendërisht për punë, vecanerisht lidhur me te paret, te degjuarit, aftësitë levizëse, etj
- e. Të zotërojnë mirë gjuhën shqipe me të shkruar dhe të folur

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/01	Data : 15.07.2020
Titulli : Informacion përmbledhës për skemen dhe procesin e çertifikimit të personave për sigurimin teknik dhe përdorimin e pajisjeve/implanteve elektrike		Faqe 2 nga 5

3. Grupi III

- a. Të jenë jo më pak se 18 vjeç,
- b. Të kenë mbaruar:
 - i. shkollën 8/9 vjeçare dhe kurs kualifikimi të plote në profesion ose shkallen e ulët profesionale për specialitetin dhe të jetë i certifikuar të paktën 6 muaj më parë sipas grupit II të sigurimit teknik, ose
 - ii. shkollën e mesme profesionale të specialitetit dhe të ketë jo më pak se 3 muaj eksperiencë pune., ose.
 - iii. ciklin bachelor për inxhinieri elektrike dhe të ketë jo më pak se 1 muaj eksperiencë pune, ose
 - iv. Ciklin bachelor për inxhinieri jo elektrike dhe të ketë jo më pak se 3 vite eksperiencë pune
- c. Të jenë të aftë fizikisht dhe mendërisht për punë, veçanërisht lidhur me të paret, të dëgjuarit, aftësitë levizëse, etj
- d. Të zotërojnë mirë gjuhën shqipe me të shkruar dhe të folur

4. Grupi IV

- a. Të jenë jo më pak se 20 vjeç,
- b. Të kenë të paktën:
 - i. 2 vjet certifikimin për Grupin e III-të të sigurimit teknik, ose
 - ii. 1 vit certifikimin për Grupin e III-të ato persona që kanë mbaruar shkolle specialiteti, ose
 - iii. Mbi 3 muaj eksperiencë pune në impiantet dhe linjat elektrike ata që kanë mbaruar sistemin bachelor ose master për inxhinieri elektrike.
- c. Të jenë të aftë fizikisht dhe mendërisht për punë, veçanërisht lidhur me të paret, të dëgjuarit, aftësitë levizëse, etj
- d. Të zotërojnë mirë gjuhën shqipe me të shkruar dhe të folur

5. Grupi V

- a. Të jenë jo më pak se 24 vjeç,
- b. Për kategorinë:
 - i. e mjeshtrove, duhet të ketë mbi 10 vjet në instalimet, impiantet, pajisjet elektrike dhe mbi 3 vjet në grupin e IV-te të sigurimit teknik.
 - ii. E teknikëve, të kenë të paktën 3 vjet pune në grupin e IV-te të sigurimit teknik.

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/01	Data : 15.07.2020
Titulli : Informacion përmbledhës për skemen dhe procesin e certifikimit të personave për sigurimin teknik dhe përdorimin e pajisjeve/implanteve elektrike		Faqe 3 nga 5

- iii. inxhinierëve elektrik, duhet të ketë të paktën 1 vit eksperiencë pune në implantet ose linjat elektrike.
- c. Të jenë të aftë fizikisht dhe mendërisht për punë, veçanërisht lidhur me të parët, të dëgjuarit, aftësitë levizëse, etj
- d. Të zotërojnë mirë gjuhën shqipe me të shkruar dhe të folur

***Shenim:** Në rastet kur aplikanti është i huaj, organi certifikues mund të sigurojë përkthimin. Nëse do këtë kosto shtesë do përballohet nga aplikanti.*

Procesi i aplikimit

Aplikanti dorëzon:

- Formularin e Aplikimit të firmosur sipas formës së aplikimit tip
- Nënshkrimin e Informacionit Përmbledhës për skemën dhe procesin e certifikimit.
- Dokumentacion qe provon plotësimin e para-kushteve

Procesi i Vlerësimit

Plotësimi i kërkesave vërtëtohet nga paravlerësuesi i ALCERT. Nëse aplikanti plotëson kërkesat, atëherë ai i nënshtrohet procesit të certifikimit dhe kryen paraprakisht pagesën. Në rast se aplikanti nuk i plotëson kriteret atëherë paravlerësuesi e lajmëron atë për kriteret që ai nuk plotëson dhe procedura e certifikimit nuk fillon.

Nëse kandidati tërhiqet vetë nga procesi i ekzaminimit ai duhet të dërgoj një kërkesë me shkrim të paktën 2 (dy) ditë përpara ekzaminimit. Në këtë rast kandidatit i kthehet 50% e pageses.

Nëse kandidati kërkon që t'i nënshtrohet procesit të ekzaminimit në një datë të mëvonshme ai duhet të njoftojë me shkrim të paktën 4 (katër) ditë përpara ekzaminimit dhe t'i propozojë trupës certifikuese ALCERT një datë të përafërt.

Në raste të emergjencës, psh sëmundje, raste vdekjeje, kandidati njofton trupën certifikuese dhe paraqet pranë saj në kohën më të afërt dokumenta që vërtetojnë emergjencën.

Aplikanti kandidat i nënshtrohet ekzaminimit për vlerësimin e kompetencës së tij, i cili kryhet në 2 faza: 1) Ekzaminim me shkrim, dhe me 2) Ekzaminim praktik.

Kandidati konsiderohet se kalon me sukses vlerësimin e kompetencës teknike nëse ai merr të paktën 75% të pikëve si në ekzaminimin teorik me shkrim ashtu edhe në atë praktik..

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/01	Data : 15.07.2020
Titulli : Informacion përmbledhës për skemen dhe procesin e çertifikimit të personave për sigurimin teknik dhe përdorimin e pajisjeve/implanteve elektrike		Faqe 4 nga 5

Nëse kandidati nuk arrin të marrë me shumë se 75% të pikëve, i mundësohet një ekzaminim i dytë teorik jo më herët se 7 ditë nga data e ekzaminimit të parë por jo më vonë se pas 6 muajsh. Ekzaminimi i dytë kryhet njësoj si ekzaminimi i parë. Në rast të mos marrjes së të paktën të 75% të pikëve edhe në ekzaminimin e dytë teorik, kandidati i hiqet e drejta për vazhdimin e procesit të certifikimit. Në këtë rast kandidati duhet të aplikojë përsëri. Nëse një kandidat aplikon për më shumë fusha mund ti nënshtrohet ekzaminimit në të njëjtën ditë me një numër tezash sipas fushave të kërkuara.

Tarifat janë të aplikueshme njëlloj për të gjithë aplikantët dhe kandidatet.

Dëshmia e aftësisë lëshohet me vlefshmëri 1 vjeçare.

Pezullimi dhe Tërheqja e çertifikatës/dëshmisë së aftësisë

ALCERT revokon/pezullon Dëshminë e aftësisë/Çertifikatën në rast se konstaton rrezikimin ose dëmtimin e jetës, shëndetit, të personave apo mjedisit për shkak të personit të certifikuar. Gjithashtu Dëshmia e aftësisë/Çertifikata revokohet/pezullohet edhe në rastet kur përdoret në keqbesim dhe në kundërshtim me funksionet e saj.

Personi i certifikuar është i detyruar se në rast ndryshimi të gjendjes së tij shëndetësore, e cila ndikon në aftësitë e tij për përmbushjen e detyrës së tij të caktuar si përdorues i pajisjeve/instalimeve përkatëse elektrike, duhet të lajmëroje ALCERT brenda një periudhe 2 javore.

Apelimi

Aplikanti, kandidati ose personi i certifikuar ka të drejtën e apelimit brenda 15 ditësh nga marrja e njoftimit të çdo vendimi nga organizmi certifikues “ALCERT”.

Formulari i plotësuar nga apeluasi mund të dërgohet me postë ose me rrugë elektronike nëpërmjet faqes zyrtare të ALCERT.

ALCERT bën paraprakisht përpjekjet për zgjidhjen me marrëveshje dhe nëse kjo nuk arrihet, çështja kalon te Komisioni i Apelit i cili merr vendim dhe njofton me shkrim apeluasin brenda 10 ditësh me postë ose rrugë elektronike.

Ankimi

Ankesë është shprehja e pakënaqësisë e ndryshme nga apelimi, nga ana e ndonjë individi ose institucioni për organizmin certifikues lidhur me aktivitetet e tij ose një personi të certifikuar prej tij.

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/01	Data : 15.07.2020
Titulli : Informacion përmbledhës për skemen dhe procesin e çertifikimit të personave për sigurimin teknik dhe përdorimin e pajisjeve/implanteve elektrike		Faqe 5 nga 5

Procedurat e ALCERT të trajtimit të ankesave garantojnë trajtimin e të gjitha palëve në mënyrë të drejtë dhe të barabartë në një mënyrë konstruktive, të paanshme dhe në kohë. Ankesa mund të dërgohet me postë ose përmes faqes zyrtare.

Menaxheri i Cilësisë trajton ankesat dhe informon ankuesin për pranimin e ankesës dhe i raporton atij në lidhje me masat që janë marrë.

Vendimi mbi ankesën shqyrtohet dhe miratohet nga Komisioni i Ankesave, i cili merr vendimin përfundimtar dhe njofton me shkrim ankuesin brenda 30 ditësh me postë ose rrugë elektronike, sipas rastit.

Aplikanti: (Emër/Mbiemër)

Firma _____

ALCERT SH.P.K.